

Daegngeq naeuz ndei, baenzlawz gangj ngoenzneix hix haep vunz ndaej di ngaenz gvaq, songde boux banq mbaq boux doxcaez bae ra Liqlaenj.

Mbanjrog miz bak lai ranz, vuuz hix lai, ndaw mbanj hai miz song aen youzhisiz, lajmbanj mbouj miz boux guenj, danhfanz mwngz miz ngaenz, bouxlaux lwgnyez cungj ndaej caemz.

Mbanjranz Daegyau youq mbanj-ndaw, mbanjndaw liz mbanjrog sam goengleix baedauq, byaij din cib lai faencung couh daengz. Mbwn laep dingh le, Daegyau sam boux couh daeuj daengz mbanjrog, boux gaen boux byaij hauej youzhisiz bae.

Bohmeh Liqlaenj caeuq bohme Daegngeq cungj youq Guengjdoeng guh hong, Liqlaenj caeuq Daegngeq naemj guh maz saeh hix mbouj miz bouxlawz gangj ndaej. Ndaw mbanj bit, gaeq caeuq mou daengj doihduz ra mbouj raen, cib miz bet gouj dwg songde caeg, vunzmbanj bouboux yawj youq ndaw da haemz youq ndawsim, gij saeh guhcaeg neix mbouj ndaej gaem fwngz dawz din, bouxlawz hix mbouj gamj gangj, haemhhaenx Daegyau doek roengz laj canz Baeuqhan daeuj, vunz mbanj angq ndaej yaek bekwngz.

Haemhneix Daegyau gyoengqde dwk denswj youzhi gaeuq seiz, gaeng hwnz lo, gyoengqde byaij daengz gyauejmbanj, roxnyinh seiqlengq caemrikrik. Daegyau naeuz: "Haemh-

·cienlanz sawcuenh·

Gouq



□ Yiz Ciz

neix aeu ra di "huq" cij dauqbae." Daegngeq caeuq Liqlaenj ngaekgyaeuj caez naeuz: "Ndei!" Sam boux neix youq bakmbanj doxyaeng yaep ndeu, gietdingh bae caeg duz vaiz Samgoeng.

Samgoeng miz song daeglwg, geij bi neix cungj bae baihrog guh hong, lwgdaih miz boux mbwk caeuq boux sai song boux lwg, lwgngaih caengz baenzgya, lan mbwk Mumu 7 bi lai, youq ndaw mbanj hagdangz doeg it nienzgaep, lan sai Linzlinz 3 bi lai, mbouj caengz roxsoq, song boux lan caeuq Samgoeng Sambuz gwnyouq.

Samgoeng ciengx miz 3 duz vaiz. Gyangngoenz, Sambuz youq ranz guenj lan, Samgoeng langh vaiz bae ndoi gwn nywj. Samgoeng naemj: Daeglwg youq baihrog guh hong ndaej geijlai ngaenz mbouj youqgaenj, seizneix gou

lij miz rengz, lai ciengx geij duz vaiz, daengzcog lan maj hung, dawz vaiz bae gai, hix miz ngaenz hawj lan bae doegsaw, doeklaeng caiq ciengx caiq gai, youh miz ngaenz hawj lan ok haq roxnaeuz aeu yah.

Aen riengh vaiz Samgoeng youq baihlaeng aen ranz hung de, riengh vaiz aeu aen suj hung lumj gaemxgiengz nei daep dwk, gyanghwnz Samgoeng aeu hwnqdaej hawj vaiz dwk nywj song sam baez.

Daegyau sam boux lumh daengz aen riengh vaiz Samgoeng, sawqmwh dingqny miz sing hai dou, yaep ndeu cij raen Samgoeng umj gwed nywj heu he coh riengh vaiz de byaij gvaqdaej. De byaij daengz dou riengh vaiz, cuengq roengz gwed nywj heu, daj ndaw daehvaq mbon ok yaekseiz hai

suj le venj suj youq henz, dwk nywj hawj vaiz. Dwk ndei nywj, Samgoeng caiq dawz suj daep dou riengh ndei, menhmenh byaij daengz diengzhaex bae oknyouh.

Seizneix Daegyau swgheij con hauej ndaw ranz Samgoeng bae, youq giz laep ndoj hwnjdaej. Samgoeng yawjraen lo, naemj youq ndawsim, de lumj bingzseiz doxdoengz, mbouj vueng mbouj muengz dwk byaij hauej ranz bae, daegdaengq dawz gij yaekseiz hai dou riengh vaiz haenx hoij youq gwnz byai fa, "e, e" ae song sing, hauej rug bae ninz lo. Samgoeng mbouj gamj roengz ninz, de daj gungx dou cazyawj Daegyau yaek guh maz.

Daegyau caj Samgoeng hauej rug bae le, yaengyaeng byaij gvaqbae mo aeu gij yaekseiz riengh vaiz, youh menhmenh hai dou okbae lo.

Caen dwg lwgnyez guh saeh mbouj ngeix baedauq, Samgoeng caj Daegyau okbae le, de ok doulaeng bae, heuh geij boux vunzmbanj hwnqdaej bae gyauejmbanj gaemh caeg. Comz ndei vunz, Samgoeng couh fanj dauq aen riengh vaiz de, youq henz riengh vaiz maeuq yawj.

Daegyau sam boux baez yien vaiz ok riengh, Samgoeng couh gaen youq baihlaeng gyoengqde. Gyoengqde ngamq byaij daengz gyauejmbanj, couh deng vunz mbanj gaemh dawz, lienzhwnz soengq daengz baicuzsoj lo. (caengz sat)

Guh Laeuj Daeuj Gai

酿酒来卖

□ Hoz Cunghliuj / 何宗柳

Geij bi gonq, miz ngoenz ndeu, Laeujgeq doiq yah de Aigvei naeuz: "Naengh gwn bya bailh, ninz gwn haij mboek. Mwngz mbouj miz hong guh, gou roxnaj boux ngauz laeuj he, mwngz bae bang de gai laeuj ndaej lwi?"

Aigvei dap naeuz: "Daxda lij lix seiz hix guh laeuj gai, gou youq ranz ciengzseiz bang hong, hix hag rox guh laeuj. Gou nyienh gag guh laeuj gai, mbouj nyienh bae hawj vunz guenj. Hoeng, aeu miz geij fanh maenz ngaenz guh bonj cij baenz."

"Aeu geij fanh maenz bae a?" Laeujgeq mbouj ngeix daengz guh laeuj ndwi hix yaek aeu baenzlai ngaenz. "Geij fanh lij siuj ne, aeu cawx liuh, cong ngauz, caep cauq, cauqgiciz..... Guh baenz le, gou bau mwngz ngoenz sam donq cungj miz laeuj ndei ndoet. Mboujgvaq, mwngz roengzban dauq aeu caeuq gou caez guh hong. Miz seiz mbwn laep lij aeu guh." Aigvei menhmenh caeuq Laeujgeq geij naeuz.

"Ndae, gou bae ciq cienz dauq raeuz caez guh laeuj!" Laeujgeq angq dwk naeuz.


Aigvei boux vunz sang hung, naj wenj da rongh caemhcaiq bwn ndaem. De guh laeuj gig nyinhcaen, lwgndo de aeu ywdoj gag guh, senj aeu gij haeux guh ndaej laeuj ndei, oemq haeuxngaiz ceiqsiuj 30 ngoenz. Gaen haeux he ceiq lai aeu gaen ngeih

laeuj, baujeiz gij laeuj miz 35 doh, gaen laeuj gai 6 maenz.

Laeuj mbouj gaeuq gai seiz, de hix mbouj guh gyaj, ndigah laeuj de gig ndei gai. Hainduj, Aigvei lij doz laeuj hwnj haw bae gai, doeklaeng boux yaek aeu laeuj cungj gag ra daengz ranz de daeuj cawx. Baez cawx couh aeu cibgeij gaen, miz saekseiz lij miz vunz dingh aeu hajcib gaen bak gaen. Doengzsaeh Laeujgeq ciengzseiz heuh Laeujgeq bang cawx laeuj.

Guh laeuj mbouj canh maz cienz, cijdwg ndaej ndwq ciengx mou. Aigvei ciengx miz duz moumeh he caeuq cibgeij duz moudaeg iq, nyouhhaex cienzbouh cung hauej ndaw cauqgiciz bae. Daengz ndaw cauqgiciz miz heiq giciz lai, de couh aeu heiq giciz coemh feiz ngauz laeuj. Yienghneix, youh mbaet ndaej fwnzhaz, youh mbouj yungh naengh henz cauq yawj feiz, laeuj byaij youh yinz. Gvaq ndaej geij ndwen, Aigvei couh ndaej gai mbat mou hung ndeu.

Miz ngoenz singhgizloek he, Aigvei doiq bouxgvan Laeujgeq naeuz: "Ngoenzneix mwngz gueng mou caeuq gai laeuj, mwngz aeu geiq ndei bouxlawz cawx laeuj raeuz, mienx ndaej doeklaeng miz vunz luenh daeuj cauz, naeuz dwg gwn gij laeuj dou gai deng in deng bingh. Gou dawz geij gaen laeuj bae ranz daxdaiq cimq yw....." Laeujgeq bek najaek naeuz: "Rox lo,



Diegbya caemdingh.

mwngz cuengqsim, gou itdingh guh ndei!"

Banhaemh, Aigvei dauq ranz, Laeujgeq gwn laeuj lai lo, gig angq doiq de naeuz: "Ngoenzneix raeuz lai canh ndaej 120 maenz lo." Aigvei roxnyinh geizheih couh cam: "Vihmaz?" Laeujgeq gangj: "Gou aeu 20 gaen raemxheu caem ndaw biengx-laeuj bae, laeuj gaengq gai liux lo." Aigvei baez dingq, doeksaet yat, danq naeuz: "Baezneix gven dou mbouj guh laeuj gai lo, fouz naj caez liux. Mwngz ha, danghnaeuz dang hak hung deng gaemh hix vaiq bw! Guh vunz guh seng' eiq cungj aeu lauxsaed, sim dam haih vunz hix haih swgheij ha!" Laeujgeq baez dingq yah de baenzneix gangj, hix vueng lo, doq naeuz: "Gou..... Gou loek lo, baenzlawz guh?" Aigvei naeuz: "Laeuj cit gaengq gai okbae, ngoenzcog gai mou sat bae boiz ngaenz vunz cawx laeujgyaj suengq lo....." Aigvei gangj sat fuz

Laeujgeq bae ninz lo, yienzhaeuh couh bae fan sawbouh.

Ngoenzlaeng, Aigvei dawz huz-laeuj comz youq itheij yaek okbae. Laeujgeq cam naeuz: "Dawz bae gai la?" Aigvei naeuz: "Ndae, vunz mwngz caen dwg vaih. Mwngz haih gou haemhlwenz sinhoj baenzlai, gou ciuq gij dan mwngz geiq boux cawx laeuj haenx cug mbanj cug boux hai mozdozceh bae gangj mingz cingz-gvang caemhcaiq doiq ngaenz ngoenzhaenx gyoengqde cawx laeuj dauq boizlaex. Lij doiq gyoengqde naeuz, caj gou dawz laeuj ndei caiq soengq hawj gyoengqde." Laeujgeq baez dingq couh angq dwk haen: "Yo! Yah gou guh ndaej bw!"

Aigvei naeuz: "Guh seng' eiq mbouj ndaej yaeh vunz! Doeklaeng mwngz caiq baenzneix guh, gou couh mbouj guh laeuj gai lo!" Laeujgeq najmong naeuz: "Roxhit lo, doeklaeng gou itdingh lauxsaed guh vunz!"